

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", br. 6/19 i 26/19), po zahtjevu Ministarstva komunalne privrede i infrastrukture Kantona Sarajevo, Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2019. GODINU ZA BUDŽETSKOG KORISNIKA MINISTARSTVO KOMUNALNE PRIVREDE I INFRASTRUKTURE KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2019. godinu u iznosu 1.258.000,00 KM u razdjelu 34010001 Ministarstvo komunalne privrede i infrastrukture Kantona Sarajevo i to:

Raz	Gla- va	Potr. jed.	Ekon. kod	Sub- analitika	Funk- cija	OPIS	Iznos
34	01	0001				Ministarstvo komunalne privrede i infrastrukture Kantona Sarajevo	
						Sa ekonomskog koda (budžetska sredstva)	
34	01	0001	614400	WAO025	056F	Poslovi po odobrenju Ministarstva u okviru zajedničke komunalne potrošnje	156.000,00
34	01	0001	615300	WAO050	052F	Projekat sanacije vodovodnog sistema putem KJKP Vodovod i Kanalizacija - vlastito učešće za kredit EBRD - plaćanjePDV-a	501.000,00
34	01	0001	615400	WAO061	052F	Iluminacija - akcentno osvjetljavanje objekata u Kantonu Sarajevo	300.000,00
34	01	0001	615400	WAO068	052F	Zbrinjavanje mulja na prečistaču Butila	301.000,00
						Na ekonomski kod (budžetska sredstva)	
34	01	0001	615400	WAO018	043F	Sufinansiranje u nabavci energenata za grejnu sezonu	1.258.000,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-35419/19
28. oktobra 2019. godine
Sarajevo

Ministar
Amel Kovačević, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", br. 6/19 i 26/19), po zahtjevu Direkcije za robne rezerve KS, Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2019. GODINU ZA BUDŽETSKOG KORISNIKA DIREKCIJA ZA ROBNE REZERVE KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2019. godinu, u iznosu 24.658,00 KM u razdjelu 31010001 Direkcija za robne rezerve Kantona Sarajevo i to:

Raz	Gla- va	Potr. jed.	Ekon. kod	Sub- analitika	Funk- cija	OPIS	Iznos
31	01	0001				Direkcija za robne rezerve Kantona Sarajevo	
						Sa ekonomskog koda (budžetska sredstva)	
31	01	0001	821400	ZAX003	109F	Nabavka robne rezerve	24.658,00
						Na ekonomski kod (budžetska sredstva)	
31	01	0001	611200	ZAX003	109F	Naknada za regres za godišnji odmor	458,00
31	01	0001	613400		109F	Nabavka materijala i sitnog inventara	2.000,00
31	01	0001	613900		109F	Ugovorene i druge posebne usluge	21.000,00
31	01	0001	613900	ZAK001	109F	Posebna naknada za dohodak za zaštitu od prirodnih i drugih nepogoda	100,00
31	01	0001	613900	ZAK002	109F	Posebna naknada za podsticaje rehabilitacije i zapošljavanje osoba s invaliditetom	100,00
31	01	0001	821300		109F	Nabavka opreme	1.000,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-35698/19
22. oktobra 2019. godine
Sarajevo

Ministar
Amel Kovačević, s. r.

Ministarstvo unutrašnjih poslova

Na osnovu čl. 21. stav (2) tačka e) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19), čl. 127. tačka i) i 63. stav (2) Zakona o policijskim službenicima Kantona Sarajevo ("Službene novine Kantona Sarajevo" br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O PROCEDURAMA ZA OSNOVNU OBUKU I OBAVEZAMA KADETA TOKOM OSNOVNE OBUKE

POGLAVLJE I - OPĆE ODREDBE

Član 1.
(Predmet)

Ovim pravilnikom uređuju se procedure za osnovnu obuku i obaveze kadeta u toku osnovne obuke.

Član 2.
(Institucija za provođenje osnovne obuke)

Osnovna obuka kadeta organizovat će se i provoditi na Policijskoj akademiji Federalnog ministarstva unutrašnjih poslova (u daljem tekstu: Policijska akademija), na osnovu ugovora zaključenog između Uprave policije Ministarstva unutrašnjih poslova Kantona Sarajevo (u daljem tekstu: Uprava policije) i Federalnog ministarstva unutrašnjih poslova.

POGLAVLJE II - PROCEDURE ZA OSNOVNU OBUKU I OBAVEZE KADETA TOKOM OSNOVNE OBUKE

Član 3.
(Ugovor o upućivanju na osnovnu obuku i status kadeta)

- (1) Policijski komesar sa kandidatima koji su odabrani u postupku zapošljavanja, zaključuje ugovor o upućivanju na osnovnu obuku kojim se uređuju međusobne obaveze kadeta i Uprave policije.
- (2) Kadeti koji se obrazuju za čin mladeg inspektora imaju različit nastavni plan i program od programa za kadete koji se obrazuju za čin policajca.

(3) Status kadeta, odabrani kandidat stiže od trenutka kada sa Upravom policije zaključi ugovor o upućivanju na osnovnu obuku.

(4) Troškove osnovne obuke kadeta snosi Uprava policije.

Član 4.

(Prava i obaveze iz ugovora o upućivanju na osnovnu obuku)

(1) Ugovorom iz člana 3. stav (1) ovog pravilnika, Uprava policije se obavezuje da sa kadetom po uspješno završenoj osnovnoj obuci potpisuje ugovor o radu i raspoređuje kadeta na radno mjesto za koje je završio osnovnu obuku (radno mjesto policajca ili mladeg inspektora).

(2) Ugovorom iz člana 3. stav (1) ovog pravilnika, kadet se obavezuje da:

- a) završi uspješno osnovnu obuku prema nastavnom planu i programu koji provodi Policijska akademija,
- b) nadoknadi sve troškove obuke na Policijskoj akademiji i eventualnu dodatnu štetu u slučaju samovoljnog napuštanja osnovne obuke ili isključenja do kojeg je došlo njegovom krivicom, ako zbog nepoštivanja disciplinskih ili drugih propisa Policijske akademije, konačnom odlukom nadležnog organa ove institucije bude isključen sa Policijske akademije, ako sa uspjehom ne završi školovanje na Policijskoj akademiji, te ako po uspješno završenoj obuci ne zasnuje radni odnos, odnosno ako ne stupi na dužnost policijskog službenika Uprave policije.
- c) u trajanju od tri godine od dana zaključenja ugovora o radu, obavlja poslove i zadatke radnog mjesta na koje bude raspoređen nakon zaključenja ugovora o radu. U slučaju da mu u tom vremenskom trajanju prestane radni odnos po njegovom zahtjevu ili usljed njegove krivice obavezan je da nadoknadi sve troškove obuke na Policijskoj akademiji.

(3) Kadetu koji ne završi uspješno osnovnu obuku u skladu sa stavom (2) tačka a) ovog člana, prestaje status kadeta, a zaključeni ugovor o upućivanju na osnovnu obuku se smatra ništavim, te se sa kadetom ne zaključuje ugovor o radu iz stava (1) ovog člana.

(4) Ugovor o upućivanju na osnovnu obuku obuhvatać će i odredbu da iz naročito opravdanih razloga kadet može da ne stupi na rad, odnosno da prekine rad i prije proteka vremena propisanog u stavu (2) tačka c) ovog člana.

Član 5.

(Gubitak statusa kadeta)

Kadet gubi status ako:

- a) na vrijeme ne stupi na osnovnu obuku;
- b) napusti ili prekine osnovnu obuku;
- c) bude isključen sa osnovne obuke;
- d) ne završi uspješno osnovnu obuku.

Član 6.

(Sačinjavanje ugovora o upućivanju na osnovnu obuku kadeta)

(1) Ugovor o upućivanju na osnovnu obuku kadeta sačinjava organizaciona jedinica Uprave policije nadležna za kadrovske poslove.

(2) U skladu sa potrebama sadržina ugovora o upućivanju na osnovnu obuku kadeta može sadržavati i dodatna prava i obaveze kadeta kao i Uprave policije pored međusobnih prava i obaveza propisanih ovim pravilnikom.

Član 7.

(Stupanje na dužnost policijskog službenika)

Kadet koji je rješenjem raspoređen na radno mjesto policajca ili mladeg inspektora stupa na dužnost polažući zakletvu.

POGLAVLJE III - PRELAZNE I ZAVRŠNE ODREDBE

Član 8.

(Ravnopravnost spolova)

Gramatička terminologija u ovom pravilniku podrazumijeva uključivanje oba spola.

Član 9.

(Prestanak važenja ranijeg propisa)

Stupanjem na snagu ovog pravilnika prestaje da važi Pravilnik o procedurama za osnovnu obuku i obavezama kadeta tokom osnovne obuke broj 01-240/07 od 06.04.2007. godine i broj 01-1132/08 od 17.12.2008. godine.

Član 10.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-8985

Ministar

30. oktobra 2019. godine

Admir Katica, s. r.

Na osnovu čl. 21. stav (2) tačka e) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19), čl. 127. tačka j) i 65. stav (2) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O OBLIKU I SADRŽAJU UGOVORA O RADU

Član 1.

(Predmet)

Ovim pravilnikom bliže se propisuje oblik, sadržaj i druga pitanja u vezi sa ugovorom o radu koji se zaključuje između Uprave policije Ministarstva unutrašnjih poslova Kantona Sarajevo (u daljem tekstu: Uprava policije) i policijskog službenika.

Član 2.

(Ugovor o radu)

- (1) Ugovor o radu zaključuje se u pisanoj formi.
- (2) Ugovorom o radu između Uprave policije i policijskog službenika zasniva se radni odnos i uređuju međusobna prava i obaveze.

Član 3.

(Osnovni elementi ugovora o radu)

Ugovor o radu sadrži sljedeće podatke:

- a) naziv i sjedište Uprave policije;
- b) ime i prezime, prebivalište, odnosno boravište policijskog službenika;
- c) čin policijskog službenika;
- d) datum početka rada, odnosno zasnivanja radnog odnosa i trajanje ugovora;
- e) organizaciona jedinica, radno mjesto, odnosno poslovi i radni zadaci na koje se policijski službenik raspoređuje;
- f) dužina i raspored radnog vremena;
- g) odmori u toku radnog dana i u toku rada;
- h) plaća, dodaci na plaću, naknade, ovlaštenja, način i period isplate;
- i) prava, obaveze i odgovornosti policijskog službenika koja proističu iz zakona, podzakonskih akata, i drugih općih akata i ugovora o radu;
- j) prava i obaveze Uprave policije prema policijskom službeniku,
- k) druge podatke koji su u vezi sa radom i uslovima rada koji su utvrđeni zakonom, podzakonskim aktima ili općim aktima Uprave policije.

Član 4.

(Nastanak prava, obaveza i odgovornosti iz radnog odnosa)

Prava, obaveze i odgovornosti iz radnog odnosa nastaju na dan kada policijski službenik počne raditi na osnovu zaključenog ugovora o radu.